



Broj: 01/N-49-525-1/15
Datum: 20.01.2015.god.

PREDMET: Poziv za učešće na 5. sastanku Partnerske grupe

Poštovani/a,

Ovim putem Vas pozivamo na sastanak Partnerske grupe za razvoj, koji će se održati **28.01.2015.** godine u maloj sali Doma kulture u Bosanskoj Krupi sa početkom u **12.00 sati**. Na sastanku će biti prezentiran nacrt plana implementacije Strategije razvoja naše općine za 2015.god. uključujući i okvirni finansijski plan za 2015.god sa projekcijom 2015-2017.god.

Cilj sastanka Partnerske grupe je učešće njenih članova u implementaciji Strategije razvoja naše općine sa uspostavom specifične odgovornosti i saradnje u procesu operacionalizacije i sveukupne implementacije lokalne Strategije između Razvojnog tima i Partnerske grupe.

Kao što ste upoznati, Općina Bosanska Krupa, uz podršku Razvojnog programa Ujedinjenih naroda (UNDP) i Švicarske agencije za razvoj i saradnju, a u okviru Projekta integriranog lokanog razvoja (ILDP), početkom 2011.god. je usvojila Strategiju razvoja naše općine za period 2011-2020.god. Proces izrade Strategije razvoja je vodio Općinski razvojni tim (ORT), a Partnerska grupa (PG) predstavljala ključno konsultativno tijelo koje je omogućilo široko učešće socio-ekonomskih partnera općine u ovom procesu.

Krajem 2012.god. zajedno sa UNDP je kroz projektni ciklus ILDP II pokrenut proces revizije provedbe naše Strategije razvoja u čemu je do sada sve aktivnosti provodio Općinski razvojni tim, a za nastavak aktivnosti na procesu operacionalizacije i sveukupne implementacije strategije se uključuje Partnerska grupa čije je učešće i plan aktivnosti definirano u prethodno usvojenoj metodologiji izrade i usvajanja same strategije.


Molimo Vas da svojim aktivnim učešćem na sastanku doprinesete kvalitetnoj implementaciji razvojnih projekata sadržanih u Strategiji razvoja naše općine i svojim daljim aktivnostima preuzmete vaš dio zadataka na dugoročnom poboljšanju sveukupnog života u našoj općini.

Cijenili bismo ukoliko biste potvrdili vaše učešće na sastanku na kontakt telefon 061 835 958; na e-mail: asimam@opcinabosanskakrupa.ba.

U prilogu Vam dostavljamo dnevni red za planirani sastanak, a materijale za sastanak imate na web stranici Općine Bosanska Krupa baner „Dokumenti“ podkategorija „Dokumenti za javni uvid“

Unaprijed se zahvaljujemo na Vašem doprinosu u ovom procesu i našem angažmanu na oblikovanju budućnosti naše zajednice.

S poštovanjem,



OPĆINSKI NAČELNIK
Amir Halitović, dipl. ecc.



PG 28.01.2015

PARTICIPATORNA IMPLEMENTACIJA NAŠE LOKALNE RAZVOJNE STRATEGIJE:

SASTANAK PARTNERSKE GRUPE ZA RAZVOJ

Općina Bosanska Krupa, Dom kulture

28.01.2015.god. u 12.00 sati

DNEVNI RED

Satnica	Tema
12,00 – 12,15	Okupljanje učesnika
<i>Moderator: Borislav Karanović</i>	
12,15 – 12,25	Participatorna implementacija naše lokalne Strategije: <ul style="list-style-type: none">- Ciljevi sastanka;- Učešće Partnerske grupe u implementaciji Strategije razvoja, dugoročne odgovornosti i korist od razvojnog partnerstva;- Generalni pregled ključnih prioriteta u zajednici za 2015.godinu, definisanih u Strategiji razvoja i nacrtu Plana implementacije za 2015.god.- Osvrt na učešće Partnerske grupe u implementaciji lokalne Strategije razvoja<ul style="list-style-type: none">• <i>Načelnik općine, Predsjedavajući Vijeća</i>
12,25 – 13,00	Naši lokalni razvojni prioriteti u 2015.godini: <ul style="list-style-type: none">- Specifične odgovornosti i saradnja u procesu operacionalizacije i sveukupne implementacije lokalne Strategije između Razvojnog tima i Partnerske grupe;- Prezentiranje nacrtu Plana implementacije za 2015. godinu uključujući i finansijski plan, sa posebnim osvrtom na specifične projekte koje implementiraju socio-ekonomski akteri, te postizanje koncenzusa o predloženom Planu.<ul style="list-style-type: none">• <i>Koordinator Razvojnog tima</i>• <i>Strukturirana diskusija po grupama, komentari i sugestije Partnerske grupe</i>
13,00 – 13,30	Zajednička implementacija naše Strategije razvoja: <ul style="list-style-type: none">- Predstojeći zadaci i vidovi međusobne komunikacije;- Postojeći sastav Partnerske grupe i moguća potreba za njegovim proširenjem.<ul style="list-style-type: none">• <i>Koordinator razvojnog tima, Načelnik općine</i>• <i>Diskusija, komentari i sugestije Partnerske grupe</i>

Datum: 28.01.2015.god.

Lokacija: Bosanska Krupa, Dom kulture

Lista učesnika

R.br.	Ime i prezime	Funkcija	e-mail adresa; telefon	Potpis
1.	Samir Halilović	Direktor DC NN	dennbi@bih.net.ba	[Potpis]
2.	Ervin Tadić	IM-MED direktor	erwin.tadic@hotmail.com	[Potpis]
3.	Sahir Mezić	DIREKTOR	SAHIRMEZIC@INFO.SYS.BA	[Potpis]
4.	Avdagić Šefedin	Direktor	sefedin.avdagic@gmail.com	[Potpis]
5.	Nizak Tatabević	DIREKTOR	061144173	[Potpis]
6.	Asim Đević	Ref. zas. i spor.	471-098	[Potpis]
7.	Husein Osmanović	sl. inženj. i k.	osmanovic.husein@gmail.com 051 888 857 220	[Potpis]
8.	ADEM ŠAHINOVIĆ	DIREKTOR		[Potpis]
9.	SEAD MUŠAČIĆ	ZAM. D. DIREKTORA	061 788-478	[Potpis]
10.	DILĐAREVIĆ MUMIN	DIREKTOR	061 155-508	[Potpis]
11.	DRAGAN LOUDINA	PREASJEVAJ MZ, INŽANJER	061 737-078	[Potpis]
12.	ALMIRA ČERČIĆ	Direktor "JU" "Zemljopisna i k. usl."	061/496-656	[Potpis]
13.	BOGDANOVIĆ FARUKA	DIREKTOR MIRBA ZKRUPA	037/476-526 061/388-919	[Potpis]
14.	SILVANA MILOJEVIĆ SARADAN	PROF. TELESNOG IZDR. IZSTV. ODGOJA	061/981-605	[Potpis]
15.	HEJANA MUZAFEROVIĆ	STENO STATISTIK ZAŠTO.	csr.krupa@bih.net.ba 037/471-009	[Potpis]
16.	DAIRA ŽJAKIĆ	DIREKTOR DU. DRUGA OŠ	daira.zjadic@hotmail.com 061/445 464	[Potpis]
17.	HIKMET TOĐOROVAC	PROFESOR	hikmet.todorovic@htnet.ba	[Potpis]
18.	Fehima Mujić	ZAMP. JKP, IO. SUII	061-938-033 fehima_bka@hotmail.com	[Potpis]
19.	FIFRET SUGIĆ	STOLARIJA SUGIĆ	061-992-398 FIFRET-SUGIC@info.ba	[Potpis]

20.	Ramir NERMIN	OP. JELIŠKI	062-781-315	R
21.	ALDŽIĆ MUHAMED	D.O. ALDŽIĆ	061-155-460	MmmA.
22.	Hasanagić Jasmina	UDRUŽENJE ADA	062-640-127	H.J
23.	Redžić Fehima	M.Z.S. GRAD	062-648999	R
24.	EŠKUR HEDŽIĆ	OPUŠA	062-988-510	(E)
25.	SADIKHA HALILOVIĆ	OPŠINA	037/471-088	Hadžić
26.	ŠEFIĆ VELEBAŠIĆ	UČ. UNTA SANA	061-815-293	Hadžić
27.	SULJIĆ- SEFIKA	BOŠ. OTOKI	062-870-374	Su
28.	ŠABIĆ ASIMA	MZ KUSINA	061/806-556	T. Hadžić
29.	TARIK HALKIĆ	CENTAR ZA KULTURU UČ. KEURAVI. BA	061-594-045	Hadžić
30.	Gamil Gedić	SEKRETAR OPŠINE	061-625-487	Golić
31.	Oronina Amir	UP "LIPA"	061/806-554	R
32.	Amir Hadžić	OPŠINA JK	061/798-486	M
33.	Veladžić Ljiljana	OPŠINA	037-471-088	Hadžić
34.	ASIMA MUŠIĆ	OPŠ KOORDINATOR	037-471-088	Hadžić
35.	Bediton Kurtović	JUR-a	037-471-088	Hadžić
36.	Kasim Partović	partparal	037-471-084	Kasim
37.				
38.				
39.				
40.				
41.				
42.				
43.				
44.				

45.				
46.				
47.				
48.				
49.				
50.				
51.				
52.				
53.				
54.				
55.				
56.				
57.				
58.				
59.				
60.				
61.				
62.				
63.				
64.				
65.				
66.				
67.				
68.				
69.				

--	--	--	--

ZAPISNIK

sa 5. sastanka Partnerske grupe za implementaciju Strategije razvoja općine Bosanska Krupa, održanog dana 28.01.2015.god.u Domu kulture u Bosanskoj Krupi

Sastanak se održao dana 28.01.2015.god.u Maloj sali Doma kulture Bos.Krupa,sa početkom u 12.00 sati.

Tema sastanka: Razmatranje Plana implementacije lokalne strategije razvoja za 2015.god sa budžetiranjem i projekcija za period 2015-2017

Sastanku prisustvovali:

Predstavnici Općine Bos.Krupa, Općinski načelnik Armin Halitović, sekretar OV-a, koordinator ORT-a Asima Mušić i članovi ORT-a Asima Skenderović, Sadika Halitović, Esma Hergić, Mumin Veladžić, Fehima Mujić, Šefik Veladžić, Nijaz Tatarević, Kaim Šertović potparol predstavnici raio Bos.Krupe

Članovi Partnerske grupe: predstavnici MZ-a, predstavnici privatnog sektora, predstavnici javnih ustanova, preduzeća, osnovnih i srednje škola, dječjeg vrtića Bos.Krupa, predstavnici nevladinog sektora i udruženja građana.

Predstavnici UNDP-a nisu prisustvovali sastanku zbog ranije dogovorenih obaveza.

Sastanku je prisustvovalo 36 od pozvanih 78 članova Partnerske grupe.

G-đa Asima Mušić, kordinatorica ORT-a je otvorila i vodila sastanak. Uz otvaranje sastanka, pozdravila je prisutne i zahvalila se na njihovom odzivu na sastanak. Zatim je prisutne upoznala sa dnevni redom i zamolila Općinskog načelnika da se obrati prisutnima.

O.načelnik se nakon pozdrava zahvalio prisutnim članovima Partnerske grupe na prisustvu. Tokom svog izlaganja načelnik je rekao da se ovom prilikom razgovara o periodu implementacije strategije 2015-2017. ali će dati kratak osvrt implementacije u 2014.godini. U toku 2014. imali smo planirano 28 projekata, međutim tokom godine su implementirana 43 projekta, odnosno 15 projekata više i to po 5 iz svakog sektora. Za implementaciju ovih projekata je potrošeno 265.000 KM, a to predstavljala 12% budžetskih sredstava, dok je iznos oa 1.995.000 KM iz eksternih izvora ili 88% sredstava utošenih na projekte. U 2015.god. je planirano 38 projekata za 10 više nego u 2014.god. međutim smatram da će ih i ove godine biti više jer javni pozivi počinju nakon usvajanja budžeta na svim nivoima, tako da se očekuje i više projekata. Naglasio je da se implementiraju kapitalni projekti kao što je npr. sanacija deponije Krivodol u iznosu od 1.900.000 KM.Takođe su u budžetu planirana sredstva za potporu po javnim pozivima koje raspisuju institucije iz BiH u iznosu od 50.000 KM i 100.000 KM kao rezidentni.Spremni smo za predstojeće javne pozive, a nakon ove danas rasprave nadamo se da ako bude trebalo neke stvari i ispravimo.

Nakon obraćanja načelnika, Asima M. koordinator ORT-a je u uvodnom izlaganju podsjetila ukratko o zadacima i ulozi Partnerske grupe u implementaciji strategije razvoja., te da nakon obavljenih priprema i današnje rasprave slijedi razmatranje Plana implementacije na Općinskom vijeću. Nadalje je naglasila da se nalazimo na polovini vremenskog okvira implementacije te da ne možemo biti zadovoljni do sada postignutim, a na osnovu do sada prikupljenih podataka i izvještaja o pojedinačnim projektima. Naglasila je da prisutni kao ekskluzivni predstavnici svih aktera u lokalnoj zajednici, preduzeća, javnih, obrazovnih kulturnih institucija, NVO, udruženja građana, predstavnici MZ-a treba da daju svoj maksimalni doprinos u realizaciji strategije.

Općinske službe trebaju da sumiraju podatke o projektima iz strategije čiji ste vi implementatori u proteklom periodu implementacije, ali nedostatak vaše informacije o tome ne daje potpune podatke o utrošenim sredstvima i svim drugim dostignutim rezultatima, pa se tome mora dati prednost kada je u pitanju saradnja partnera na lokalnom nivou i podatke blagovremeno dostavljati nadležnim općinskim službama. Tokom 2015.godine se priprema revizija strategije a bez ovakvih podataka neće se moći valjano odraditi. Naglasila je da se uvijek može bolje i više bez obzira što je period ekonomske krize pratio od početka provedbu ove strategije, mi ne možemo zanemariti činjenicu da nismo dovoljno iskoristili naše potencijale, pogotovo naše ljudske resurse. Bolji angažman svih nas ovdje i svih subjekata lokalne zajednice sugurno bi dao puno bolje rezultate od ovih koje imamo. Napominjem da je došlo do izmjene pravilnika o sistematizaciji u lokalnoj upravi, formirana Služba za razvoj čija je uloga da prati razvoj lokalne zajednice, a vi kao partneri lokalne uprave trebate komunicirati direktno sa ovom službom kada se radi o svim pitanjima provedbe strategije razvoja, projektnih ideja, pripreme projekata i njihovoj implementaciji . Ima i sada članova Partnerske grupe koji takvu praksu koriste, ali je to nedovoljno za obimnost aktivnosti koje se trebaju provesti.

Koordinatorica je podsjetila prisutne da do sada nisu dovršene aktivnosti planirane za instaliranje softvera koji bi se koristio za direktnu komunikaciju Partnerske grupe sa lokalnom upravom i tako ubrzao protok informacija između aktera koji implementiraju strategiju razvoja.

Potom je koordinatorica prešla na predstavljanje pojedinačno projekata Plana implementacije za 2015.godinu uz naglašavanje da je u primjeni novoformirana baza podataka APIS koju su osmislili partneri iz ILDP projekta a koja je prihvaćena od svih lokalnih zajednica koje provode strateško planiranje po miPRO metodologiji. Ova baza sadrži sve detalje o svakom projektu pojedinačno i koristiće se kao polazište za sve izvještaje, analize, planiranje i sl. I ovaj materijal koji ste mogli pronaći na web stranici općine je zaista obiman, a za ovaj sastanak je rađena skraćena verzija iz tehničkih razloga. U svom izlaganju je komentarisala bitne odrednice projekata sa naglaskom na planirani način finansiranja, vremenski okvir i specifičnosti vezane za pojedine projekte., te da je za provedbu planiranih projekata potrebno obezbjediti u 2015.god. 1.166.620 KM iz budžeta za implementaciju. U ovom planu implementacije je izostavljen projekat izgradnje stambenog objekta za Rome koji je započet u 2014. god a za koji je pripremljena projektna dokumentacija . radi se o izgradnji kolektivnog stambenog objekta sa šest stambenih jedinica, pa isti treba uvrstiti na listu, bila je primjedba općinskog načelnika, sa napomenom da su odobrena određena sredstva i za izgradnju i sanaciju nekoliko zasebnih stambenih jedinica za Rome.

Posebno je naglašeno da ne znači da ovaj plan ne će biti dopunjen ako se ukaže potreba nakon objavljenih javnih poziva i postoji mogućnost dobivanja sredstava iz eksternih izvora finansiranja, kao i da ako takav projekat ima svoju opravdanost. Za takve projekte, kako je naglasio i načelnik postoji mogućnost potpore iz budžeta.

Koordinatorica Mušić je posebno naglasila da je sektor zaštite okoliša najobimniji kada je broj projekata u pitanju i kada se radi finansijskim sredstvima za njihovu realizaciju. Kako su sredstva iz EU kroz određene projekte apsorbirana i dalje se trebaju implementirati, obaveze i lokalne uprave i svih partnera koji učestvuju u implementaciji su velike i zahtjevne na što treba posebno obratiti pažnju u provedbi aktivnosti.

Nakon izlaganja koordinatorica je otvorila diskusiju po izloženom materijalu, a kako se niko od prisutnih nije javljao za diskusiju niti imao pitanja, predložila je da se u dalje toku rada Partnerske grupe, prisutne podijele u tri radne grupe po sektorima kako bi analizirali plan implementacije i o tome sačinili zaključke, koji će predstavljati eventualne izmjene i dopune predloženog plana implementacije kako je to praksa u radu PG-e.

Ekonomski sektor:

U radu ove grupe su učestvovali: Sead Mujagić, Mumin Dizdarević, Fatima Gerzić, Razija Skenderović, Šefik Veladžić, Mumin Veladžić, Asmir Oraščanin, Dragan Lončina, Asima Skenderović, a moderator je bila Sadika Halitović koja je upoznala članove grupe

sa načinom rada i akcentirala projekte iz ekonomskog sektora tražeći od učesnika mišljenja, sugestije i eventualne prijedloge novih projekata. U diskusiji su učestvovali svi članovi grupe kao slijedi:

- Mumin Dizdarević: „Podrška za poljoprivredu je veoma mala“
- Sead Mujagić: Kada se ulaže novac treba gledati da se povrati kroz zapošljavanje, pogotovo na našoj općini, da potenciramo razvoj poljoprivrede jer je to naš resurs. Treba razmišljati kako oploditi novac. Projekat kampanje za promjenu strukovna zanimanja nije adekvatan našim uslovima jer bi kod nas trebalo raditi na kompletnoj promjeni sistema školovanja.
- Šefik Veladžić: „U poljoprivredi postoji mogućnost apliciranja na pozive prekogranične saradnje, a nama je potrebna detaljna analiza viškova proizvoda koji bi se mogli ponuditi tržištu, pa na osnovu toga razmišljati o formiranju otkupno-distributivnog centra. Jako je bitna mreža u poljoprivredi. Sajmovi koji se održavaju na ovakav način ne prolaze. Potrebno je sadržaje sajmova obogatiti, kako bi zainteresirali veći broj izlagača i posjetilaca. Osnivanje privrednog vijeća na nivou opštine je prava stvar, kao i projekat BINOVA. Saradnja sa privrednim vijećem bi trebao biti zaseban projekat. Centar za poduzetništvo je izuzetan projekat koji će pokrivati zanatstvo (obrtne), a kroz njega će se omogućiti edukacija iz poduzetništva za 30 obrtnika i 10 predstavnika NVO-a.“
- Gerzić Fatima: „Njemačko tržište je po mojim informacijama interesantno za plasman bosiljka, pa treba poticati ljude za proizvodnju ljekovitog bilja, jer je to način da budu angažirani kod svojih kuća na svojim imanjima. Raditi i dalje na edukaciji poljoprivrednika. Ideja o otkupnom centru je dobra i treba je podržati. Prijedlog projekta moj bi bio pokrivena pijaca. Sa višeg nivoa sam tražila subvenciju za sertifikaciju organskih proizvoda ali nisam dobila podršku, iako sertifikacija znači učešće na sajmovima izvan općine. Slažem se da treba obogatiti sadržaje sajmova, uključiti djecu iz vrtića, djecu sa posebnim potrebama i osmisliti načine da nešto zarade na ovim sajmovima.“

Moderatorica je potom pojasnila da su sredstva za poticaj u poljoprivredi posebno planirana a kroz ovaj projekat se daju sredstva kao podrška za poljoprivrednike koji apliciraju na javni poziv.

Rad ostalih radnih grupa za društveni sektor i grupe zaštita okoliša je izražen kroz njihove pisane zaključke.

Nakon završetka rada po radnim grupama koordinatorica Mušić je pozvala predstavnike radnih grupa da izlože svoje stavove i zaključke.

Prva je svoje zaključke prezentirala radna grupa za ekonomski razvoj a to su:

1. Treba ulagati u projekte koji doprinose većem zapošljavanju i to u poljoprivredu i turizam
 - Pripremiti projekat za izgradnju skladišnih kapaciteta za poljoprivredne proizvode i
 - Projekat za pokrivenu zelenu pijacu
2. Izraditi novi projekat „Put meda Šujnovac“ kako bi se u izletištu Šujnovac organizirala promocija pčelarstva

Društveni sektor: U radu ove grupe su učestvovali Almira Šertović, Arijana Muzaferović, Daira Zjakić, Hikmet Todorovac, Silvana Milojević Sarađan i Osmanagić Husein, a moderator je bila Asima Mušić, a grupa je predložila slijedeće zaključke:

1. U projekat „Bosanska Krupa –grad malih sajmova“ uvrstiti vrtićki i novogodišnji sajam i za ova dva sajma planirati sredstva u budžetu. Ovi sajmovi su već postali tradicija u Bos.Krupi, a njihovo organizovanje angažuje najmlađe u aktivnostima.

2. U okviru projekta „Stazama djetinjstva“ obezbjediti prevoz učenika iz svih škola sa područja općine kako bi mogli prisustvovati književnim susretima.
3. Kroz projekat 2.2.1 „Poboljšanje uslova školskih, zdravstvenih kulturnih i sportskih objekata“ povećati udio u finansiranju općine za potrebe zamjene dotrajale stolarije u školama, prvenstveno Prvoj i Drugoj osnovnoj školi u Bos.Krupi. Sredstva se trebaju povećati i iz razloga što se kod javnih poziva traži učešće u projektima za škole sa 50%.
4. Direktorica vrtića je tražila da se rješava pristupna saobraćajnica do vrtića i iznijela da je pokrenuta inicijativa roditelja za projekat kojim će taj problem biti riješen u što kraćem vremenu.
5. Direktorica JU Centar za kulturu Zumreta Porić je kandidirala problem sa odvodnjom oborinskih i površinskih voda sa i oko objekta Doma kulture u Bos.Krupi.

Zaštita okoliša:

U ovoj radnoj grupi radili su Nijaz Tatarević, Samir Halilović, Samir Sedić, Fehima Redžić, Tarik Halkić, Šabić Asima, Suljić Šefika, Hasanagić Jasminka, Ramić Nermin, moderator je bila Esmā Hergić, a doneseni su slijedeći zaključci.

1. Rješavanje problema pasa lualica
2. Zaštita rijeke Krušnice i njeno iskorištavanje na ekonomski održiv način i maksimalni nadzor
3. Uraditi akcioni plan razvoja turizma na osnovu strateških dokumenata
4. Brendiranje proizvoda sa područja općine (poljoprivrednih, unske lađe i sl.)
5. Pokrenuti inicijativu za izgradnju gradske tržnice putem javno-privatnog partnerstva
6. Razriješiti pitanje objekta ribogojilišta na rijeci Krušnici (status i dalje korištenje)
7. Formiranje zemljoradničke zadruge

Generalni zaključak da postoje pojedinačne inicijative, ideje za projekte iz svih sektora ali ne postoji sinergija između aktera koji bi trebali raditi na projektima

Nakon elaboriranja zaključaka otvorena je diskusija o njima.

Almira Šertović: U projekat Asfaltiranje lokalne putne mreže koji pripada ekonomskom sektoru uvrstiti asfaltiranje i uređenje pristupnog puta do vrtića, jer je put u jako lošem stanju.

Asima M. Inicijativu možete prosljediti općinskoj službi nadležnoj za komunalne poslove da se odrede o tom problemu kako bi se mogle isplanirati aktivnosti.

Daira Zjakić: Treba vratiti sadržaje Šujnovcu kako bi građani koristili ovo izletišta, a ne da je to okupljalište samo za pojedine grupe.

Šefik Veladžić: Drago mi je da sam ovdje i ovi ljudi što su ovdje su pokazali da im je stalo do ovog grada. Fali nam sistem, nema održavanja na projektima koji se završe, sistem za Projekat malih sajмова sada treba da ima 25 štandova, znači u općini se mora stvoriti sistem za održavanje svih projekata koji se završe, neka bude generalni zaključak.

Manifestacija „Stazama djetinjstva“ jeste brend i njoj je mjesto ovdje. U krupi ima svega samo nema ljudi treba nam posjetilaca, lađara, književnika, posjetilaca starog grada.

Tarik Halkić: Ja sam uključen u organizaciju „Unskih lađara“ i mogu reći da je 2014.godine bilo više posjetilaca izvana.

Nijaz Tatarević: Svi se trebamo međusobno pomagati i sarađivati da dobijemo nešto.

...ne pozicije u raznim strukturama državne vlasti i institucija
arzava u kojima žive, a koji bi mogli pomoći u privlačenju ulaganja u privredu

Šefik Veladžić: Dijaspori treba pokazati poštovanje, priča o turizmu se svodi saamo na priču, nema kapaciteta. Nema promotivnog materijala, općina bi trebala finansirati izradu promotivnog materijala, pa u tom smislu treba u implementaciju strategije vratiti projekat izrade promotivnog materijala.

Samir Halilović: Za ovaj projekat se mogu iskoristiti mali grantovi od 5.000-15.000 KM, a koji se pojavljuju u javnim pozivima

Džavada Šatncl: Onaj ko prati kulturu zna da je stogodišnjica rođena Ćopića, to je nešto specifično za naš grad te stoga predlažem da se ovo značajnije obilježi, i da bi se to predložilo općinskom vijeću i da se pozove Šimo Ešić da to prezentira. Imamo galeriju sa ostavštinom Boška Karanovića, koja nije dovoljno promovirana i prezentirana. Ove godine je 45 kolonije „Krušnica“. Isto tako imamo spomenik žrtvama fašizma –mozaik uz Dom kulture koji miože da se uredi i zajedno sa projektom saobraćajnice do vrtića i sportskim terenom za boćanje i da se tako povežu kultura, sport i uređenje infrastrukture za vrtić.

Asim Demirović: Mi smo na sastanku ORT-araspravljali o tome da se organizuje manifestacija dani velikana Bos.Krupe.Da li se sa našom istorijom upoznaju naša djeca kroz sistem obrazovanja, sve se prepušta zaboravu pa i oni koji su poginuli u poslednjem ratu.

Daira Zjakić: Nemojte misliti da se o tome ne priča u školama, ali mi imamo i zakonom propisan plan i program kojeg smo se dužni pridržavati, pa nam tako zakoni diktiraju imena škola, ulica, tekstove u udžbenicima

Esma Hergić kao vođa sektora zaštiteokoliša je obrazložila prijedloge grupe za okoliš:
Sektor zaštite okoliša u našoj strategiji je najviše zastupljen i najjači je po finansijskim sredstvima.

-Projekat za zbrinjavanje pasa lotalica bi tebao da ima svoje mjesto u ovom planu, a za planiranje aktivnosti možemo iskoristiti iskustva općine Bihać, a ja preuzimam obavezu da kontaktiram po tom pitanju općinu Bihać.

-Zaštita rijeke Krušnice , generalno zaštita u skladu sa važećim zakonima, ali da seto sve ekonomski iskoristi.

-Plan razvoja turizma : Prvi smo ga radili poslije rata, Alija Pozderac stručnjak iz te oblasti dolazi za dva dana kod nas zbog ada, projekta „Zeleni otoci“ da vidimo kako da se održava projekat

-Brendiranje proizvoda – naš proizvod treba da ima etiketu da je prepoznatljiv

-Gradska tržnica-Sadašnje stanje je loše, nema nijedna lokacija za ovu namjenu u pravom smislu, pa predlažem da se po sistemu javno privatnog partnerstva ovaj problem riješi

-Ribogojilište – Objekat na Krušnici treba staviti pod određenu upravu, odrediti da li će ostati ribogojilište u pravom smislu ili će objekat sa infrastrukturom biti iskorišten na neki drugi način sa prenamjenom

-Formiranje poljoprivredne zadruge- stručnjaci iz poljoprivrede da daju prijedlog jer je nedavno formirano udruženje poljoprivrednih proizvođača voća i povrća, ali do sada nije formirana zadruga

- Generalno nedostaje saradnja između lokalne uprave i privrednika, evo i danas je ovdje dosta privrednika, ali se sve ideje i prijedlozi završe samo na inicijativama.

-Asima M. Bez akcije iznutra unutar svih vas ovdje i dalje neće biti značajnijih pomaka. Morate znati da organ uprave ima i svoju primarnu zadaću koja mu pripada u skladu sa zakonom, a izrada projekata nije obaveza organa uprave. Projekte osmišljavate svi akteri unutar partnerske grupe i izvan nje, stoga vas pozivam da unutar svoga užeg kruga prijatelja, neovisno kojim se poslom bave trebate podsticati razradu ideja koje će se pretočiti u projekte a koje će nadležne općinske službe možda doraditi ako treba, kandidirati na javne pozive i tako dovesti do realizacije naopće zadovoljstvo.

Husein Osmanagić: svi nastupamo parcijalno, a glave nam trebaju skupa biti

Asima M. Stvari i procese treba posložiti na pravi način

Samir Halilović: Nema ovdje privrednika, znači nema interesa, ono što smo svi predložili u ekološkoj radnoj grupi to su zone ekološke, poljoprivredne, kao što postoje i poslovne. Načinimo pravila, nijedna naša zona nije vidljiva markirana, npr.zaštita izvorišta. U svemu treba postaviti interes na prvo mjesto-građani, općina, privrednici.

Asim Demirović: Zanimanja za koja se školuju naše djeca nisu prilagođena potrebama tržišta i pitam ko je zadužen da o ovome raspravlja i da donosi odluke o promjenama.

Daira Zjakić: potrebna je inicijativa i odobrenje nadležnog kantonalnog ministarstva.

Todorovac Hikmet: Nama u ŠTC već ide četvrta godina za kadrove po standardima EU za drvoprerađivače. (CNC programeri). U tom smislu smo surađivali sa općinom i lokalnim privrednicima, a iste aktivnosti smo vodili za mašinske tehničare (operatore za CNC mašine) po traženju našeg lokalnog tržišta.Pri tome nema značajnije pomoći resornog ministarstva u nabavci opreme, edukacije profesora i sl.).Do sada smo sve radili povlastitoj inicijativi i uz pomoć lokalne zajednice.Kod nas je najveći interes roditelja i učenika za metalsku struku i zavarivače koji imaju poslove na tržištu izvan naše države.

Esma Hergić: Općina Tešanj je sa Slovencima obezbjedila opremu za pokretanje nastavnog procesa za određena zanimanja i tu praksu treba koristiti.

Todorovac. upoznati smo sa njihovom praksom i kontaktirali smo ali su nas drugi prevazišli i realizovali određene izmjene u nastavi u općinama Cazin i Bužim

Zumreta Porić: Želim da pohvalim zaključke za gradsku tržnicu, a imam informaciju da jedan vlasnik poslovnog prostora Aličević Samir traži partnere i da je spreman usrtupiti svoj poslovni prostor za rad gradske tržnice

Nijaz Tatrević: Predlažem da se problem napuštenih javnih objekata razmotri i da se donese odgovarajuća odluka za njihovo održavanje kao što je pravoslavno groblje preko puta bolnice i da se to uvrsti u plan implementacije za 2015.godinu.

Partnerska grupa je završila sa radom u 14.50 sati.

Zapisnik vodila
Asima Skenderović

OPĆI ZAKLJUČCI:

1. Postoje pojedinačne inicijative, ideje za projekte iz svih sektora, ali ne postoji sinergija između aktera koji bi trebali raditi na projektima.
2. Treba definirati sistem upravljanja zonama koje su uređene kroz određene projekte (npr. Sujnovac, Male ade, vrelo Krušnice itd).
3. Prijedloge projektnih ideja iznesenih na sastanku Partnerske grupe, predlagači trebaju razraditi sa prikazom okvirne finansijske konstrukcije i dostaviti lokalnoj upravi-općini Bosanska Krupa ili Općinskom razvojnom timu (ORT-u) kako bi se mogli uvrstiti u Plan implementacije strategije u narednom periodu.
4. Općina Bosanska Krupa treba uspostaviti redovne kontakte sa građanima naše općine koji žive i rade u inostranstvu, kako bi se iskoristile njihove mogućnosti za promociju općine i privlačenje investitora za ulaganje u Bos.Krupu.
5. Općina nije dovoljno promovirana. U narednom periodu treba izraditi novi promo materijal i redovno ažurirati baner na zvaničnoj web stranici općine.
6. Zaključke sa današnjeg sastanka objaviti na web stranici općine i dati mogućnost građanima i članovima Partnerske grupe koji nisu prisustvovali sastanku da daju svoja mišljenja prijedloge, komentare i sugestije na predloženi Plan implementacije Strategije razvoja za 2015.god.